

Broj: 01-04-13-00757/2023
Sarajevo, 15.02.2023.godine

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE BiH
ZASTUPNIČKI DOM

n/a- Tajnik Ivan Miličević
veza vaš akt br. 05/1-02-13/23 od 27.01.2023.godine

n/p- zastupnik Slaven Raguč

BOSNA I HERCEGOVINA
FEDERACIJA BOSNE I HERCEGOVINE
VLADA FEDERACIJE BiH
SEKRETARIJAT VLADE

n/p- sekretarka- mr.sci. Edita Kalajdžić
veza vaš akt br. 03-04-95-1/2023 od 30.01.2023. godine

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primijeno: 17-02-2023			
Org. Jed.	Broj	Priloga	Vrijednost
05/1	-02-	13	123

PREDMET: Odgovor na zastupničku inicijativu, dostavlja se

Poštovani,

Federalna uprava za inspeksijske poslove zaprimila je dana 31.01.2023.godine akt gornji broj koji je zastupnička inicijativa, koju je zastupnik Parlamenta Federacije BiH, Zastupničkog doma podnio na 1.redovnoj sjednici održanoj 25.01.2023.godine.

Uvaženi zastupnik se konkretnom inicijativom obratio Federalnom poljoprivrednom inspektoratu sa zahtjevom da se provede inspeksijski nadzor nad provedbom Odluke o zakupu državnog poljoprivrednog zemljišta u državnom vlasništvu u općini Odžak, te o istom da se dostavi izvještaj o urađenom Federalnom Parlamentu, u roku od mjesec dana od dana upućivanja ove inicijative.

U obrazloženju svoje inicijative, uvaženi zastupnik je istakao da je općinsko vijeće Odžaka donijelo Odluku o raspisivanju javnog natječaja za zakup poljoprivrednog zemljišta u vlasništvu države na području općien Odžak 23.12.2021.godine, kao i Odluku o izmjenama i dopunama Odluke 15.02.2022.godine.

Unatoč pravosnažnim presudama nadležnih pravosudnih institucija, kao i navedenih odluka, Ministarstvo poljoprivrede Posavnog kantona još uvijek nije stavilo u funkciju rezultate natječaja, kao i raspolaganje zemljištem. Problem zakupa poljoprivrednog zemljišta datira još od 2007.godine i ko još zna iz kojih razloga i čijih interesa se izbjegava njegovo rješavanje. Cijela ova situacija ima ogromne negativne finansijske učinke za općinu Odžak, a najveću

cijenu plaćaju lokalni poljoprivrednici koji žele obrađivati tu zemlju. Stoga, u namjeri da se konačno riješi navedeni problem, zastupnik podnosi ovu inicijativu da nadležni federalni poljoprivredni inspektor obavi nadzor nad provedbom zakona i propisa koji se odnose na raspolaganje, gospodarenje i zaštitu poljoprivrednog zemljišta.

Za realizaciju ove inicijative zadužen je Federalni poljoprivredni inspektorat.

U vezi sa predmetnom inicijativom, ovim putem informišemo uvaženog zastupnika da je u skladu sa Zakonom o poljoprivrednom zemljištu, u okviru svojih nadležnosti i administrativnog kapaciteta, Federalna poljoprivredna inspekcija, u skladu sa odredbama člana 131. Zakona o poljoprivrednom zemljištu („Službene novine Federacije BiH“ broj: 52/09), u ranijem periodu (2010-2022.godina) vršila nadzore u pomenutoj općini, vezano za donošenje dugoročnog programa korištenja zemljišta i načina raspolaganja poljoprivrednim zemljištem u vlasništvu države, te kontinuirano **upozoravala** na obavezu dosljedne primjene Zakona, inicirala postupanja u skladu sa nadležnostima organa uprave, odgovarala po raznim predstavkama strankama sa područja ove općine.

U naprijed navedenom periodu po pitanju načina donošenja Programa gospodarenja državnim poljoprivrednim zemljištem i provođenja procedura javnog natječaja dodjele u zakup istog, obavljeno je nekoliko inspekcijskih nadzora od strane nadležne federalne inspekcije.

Imajući u vidu da su Programu gospodarenja državnim poljoprivrednim zemljištem nedostajali zakonom propisani elementi, kao i da nije poštivana procedura usvajanja programa, kako je utvrđeno članom 123. Zakona o poljoprivrednom zemljištu (Program gospodarenja poljoprivrednim zemljištem nije usvojen od strane općinskog vijeća), federalna poljoprivredna **inspekcija je uputila upozorenja na dosljednu primjenu Zakona**, kako općini Odžak, tako i Ministarstvu¹ poljoprivrede, vodoprivrede i šumarstva županije Posavske.

O naprijed uočenim propustima u općini Odžak, federalna poljoprivredna inspekcija je upoznala i Federalno² ministarstvo poljoprivrede, vodoprivrede i šumarstva, kao organ koji vrši upravni nadzor nad provođenjem ovog zakona.

Nadalje, aktom br.12-24-03669/2010-1201-13 od 11.2.2010.godne upućen je odgovor stranci po predstavi vezano za Program gospodarenja državnim poljoprivrednim zemljištem Općine Odžak.

Također, aktom³ od 07.01.2011.godine Federalnom ministarstvu poljoprivrede, vodoprivrede i šumarstva je upućena i inicijativa vezana za uočene propuste za djelovanje u skladu sa zakonom utvrđenim nadležnostima FMPVŠ imajući u vidu odredbe člana 129. Zakona o poljoprivrednom zemljištu, kojim je, između ostaloga utvrđeno da:

¹ Ministarstvo poljoprivrede vodoprivrede i šumarstva županije Posavske, koje je dalo Saglasnost nakon usvajanja takvog Programa i skrenuta pažnja na obavezu donošenja valjanog Programa. (akt nadležnog federalnog inspektora broj 12-24-03669/2010-1201-6 od 9.12.2010.godine).

² Akt nadležnog federalnog inspektora br. br. 12-24-03669/2010-1201-9 od 14.12.2010.godine prema FMPVŠ

³ Akt nadležnog federalnog inspektora br. 12-24-03669/2010-1201-10 od 07.1.2011.godine prema FMPVŠ

„Federalno ministarstvo poljoprivrede, vodoprivrede i šumarstva vrši upravni nadzor nad provođenjem ovog zakona i propisa donesenih na osnovu njega, kao i upravni nadzor nad zakonitošću akata kojima se rješava u upravnim stvarima, te vrši nadzor i ostvaruje neposredan uvid u kontrolu u postupanju pravnih lica kojima su povjerena javna ovlaštenja, kao i da vrši nadzor u dijelu provedbe federalne politike po pitanju poljoprivrednog zemljišta kao dobra od općeg interesa koju provode nadležni kantonalni i općinski organi.“

Nakon toga, a obzirom da se radi o upravnoj proceduri, o istom problemu je na sastanku održanom 05.01.2011.godine upoznato i Ministarstvo pravde Federacije BiH o čemu postoji službena zabilješka br. 12-24-03669/2010-1201-11 od 21.01.2011.godine.

Također, u periodu od 2017.-2022.godina Federalnoj upravi za inspekcijske poslove su u više navrata stizale predstavke vezano za:

- informacije o nelegalnom korištenju i raspolaganju poljoprivrednim zemljištem u državnom vlasništvu općine Odžak,
- pritužbe na rad tijela lokalne samouprave općine Odžak u vezi objavljivanja Odluke o raspisivanju natječaja za zakup poljoprivrednog zemljišta u vlasništvu države,
- predstavke vezano za nepravilnosti u radu općinskog organa nadležnog za vođenje Registra poljoprivrednih gazdinstva itd.

Nakon pažljivog razmatranja dostavljenih pritužbi i predstavki, federalna poljoprivredna inspekcija, je sukladno nadležnostima, sačinjavala i dostavljala svoja pismena očitovanja.

S tim u vezi, ponovo naglašavamo, da federalna poljoprivredna inspekcija **nema nadležnosti za postupanje kada je u pitanju postupak donošenja Odluke o raspisivanju i provedbi procedure Javnog natječaja.**

Na kraju, u pogledu postupanja općine Odžak, objavljivanja Odluke o raspisivanju javnog natječaja za zakup poljoprivrednog zemljišta u državnom vlasništvu na području općine Odžak, i kako uvaženi zastupnik navodi u svojoj inicijativi, ne stavljanja u funkciju rezultata natječaja, od strane resornog ministarstva poljoprivrede Posavske županije, **slobodni smo, uputiti zastupnika za obraćanje nadležnom organu, a to je u konkretnom, Federalno ministarstvo poljoprivrede, vodoprivrede i šumarstva, kao organ koji vrši upravni nadzor nad provedbom Zakona o poljoprivrednom zemljištu, kao i nadzor u dijelu provedbe federalne politike po pitanju poljoprivrednog zemljišta kao dobra od općeg interesa, koju provode nadležni kantonalni i općinski organi.**

S poštovanjem,

Dostavljeno:

1 x Tajnik Ivan Miličević

1 x Zastupnik Slaven Raguž

1 x Generalna sekretarka Vlade FBiH – mr.sci. Edita Kalajdžić

1 x a/a


DIREKTOR

M.P. _____
Mr. Anis Ajdinović